

العدد 11-11-2008

438- عودة إلى ملف الإدمان: الحق في الألم: ضد الرقابة

بعد أن فوجئنا من خلال عرض استجابات المشاركين في لعبة الفرح "بحقيقي" أن الأغلبية أدركت، وأقرت أننا لا نفرح بحقيقي، قررنا أن نؤجل مناقشة الاستجابات حتى نجرى بعض الإحصاءات ولو بطريقة تقريبية.

وإذا كنا اكتشفنا أننا لا نفرح "بحقيقي"، فنحن أيضا "لا نخزن" بحقيقي (وسوف نقدم الاستجابات على هذه اللعبة أيضا لاحقا)

أما اليوم فالسؤال -من خلال حالة إدمان- يقول:

هل نحن نتألم بحقيقي؟

وهل يوجد شيء اسمه الألم الخلق، الذي هو "لزوم النمو"؟

منذ نشرنا مقتطفات من حالة مدمن في نشرتي 2007/10/23 & 2007/10/24، عن "أدمغة المدمن ومستويات الوعي" وأنا أحاول أن أنظم نفسي لأقدم حالات حية من واقعنا الخاص، وقد قمنا بجمع حالات الإدمان التي درست بالتفصيل وقدمت في لقاء علمي تدريبي خلال الثلاث سنوات السابقة، وقد زادت حتى الآن عن خمسين حالة، وقد كلفت بعض زملائي الأصغر بمراجعتها، فقاموا، ويقومون، بذلك مشكورين.

وحين قررت أن أعود إلى فتح ملف الإدمان من جديد طلبت من السكرتارية أن تحضر لي أية حالة (عشوائية)، رحت أقلب الصفحات وأعدها وفوجئت أن هذه الحالة تشغل ما لا يقل عن 40 صفحة، وهي عبارة عن:

(1) مجموع ورقة المشاهدة Sheet،

(2) عرض موجز الحالة،

(3) ثم المناقشة،

(4) ثم تعقيب الأستاذ

(5) ثم مقابلة المريض (المدمن)

ثم أخيراً (6) تعقيب نهائي

أثناء اللقاء العلمي - وبالرجوع إلى عينة أخرى من الحالات وجدت أن أغلبها يزيد صفحاتها عن هذا العدد حتى يصل إلى الخمسين صفحة .

ما العمل ؟

بديهي أنه يستحيل تقديم الحالة كما هي، خاصة وأنه سيضاف إليها ما تيسر من تعليقات تصاحب نشرها للكافة، مختصين وغير مختصين .

حاولت أن استغنى عن أية تفصيلة من تفاصيل الحالة فوجدت أنها ستحدث نقصا يحل بالمراد توصيله بشكل أو بآخر،

رجعت إلى كتاب نشر حديثا بعنوان "ربع جرام" وقد لقي ترحيبا مناسبا، ووجدت أنه يقدم حالة واحدة استغرق عرضها "روائيا" أكثر من 400 صفحة (4/1 جرام تأليف خالد يوسف، 2008)

ما العمل؟

كما اعتدنا في هذه النشرات لا مانع من التجربة، بل لابد من التجربة،

ومع مواصلة الحوار وتلقى التعقيبات ودراسة المحاولات الأولى أعتقد -أو آمل على الأقل- أن نصل إلى المنهج المناسب

قدردت أيضا أن تقديم الحالات التي لدينا كاملة هكذا ربما له فائدة معرفية ووقائية، وتدريبية تكمل ما يردنا من "استشارات مهنية" نرد عليها بما تيسر من خبرة ورأى .

خطر لي أن نركز في تجربة اليوم على المقابلة مع المريض (المدمن)، ثم نعود لشرح مغزى هذه المقابلة وارتباطها بتاريخ المريض (المدمن) وأحواله، وذلك بعد موجز غير واف.

طريقة العرض:

الحلقة الأولى : (اليوم)

أولاً: نص المقابلة مع المريض

الحلقة الثانية: (غداً)

ربط المقابلة والتعقيب بما جاء في المشاهدة وبعض المناقشة .

الحلقة الأولى:

بعد أن شرح الزميل الأصغر أسباب تقديمه الحالة، وبعد ملاحظات الاستاذ على موقف مقدم الحالة وسبب اختياره لها، وبعد تعليقات بعض المشاركين في اللقاء العلمي التدريبي، تبين أنه بالرغم من الإزمات والنكسات والتاريخ العلاجي الفاشل، لهذه الحالة (18 مرة دخول مستشفيات منها خمس مرات في نفس هذه المستشفى التي يقدم منها الحالة الآن)، وبرغم سلوك المريض (المدمن) المضاد للمجتمع، والتحذيرات التي يمكن أن توصف بأنها لا أخلاقية، إلا أن أغلب، إن لم يكن كل، من التقى

به في التقييم أو العلاج لم يستطع أن يرفضه، بل إن مقدم الحالة، والمشرّف على علاجها، وبعض من يعرفه أكثر، أقر كل منهم على حده، بأنه حاول ألا يجبه فلم يستطع، خذ مثلاً كلام مقدم الحالة (أ.عبده) :

"رغم ان العيان دخل مستشفيات كثيرة قوى، دخل حوالى 18 مرة، وإنه مش متعاون، وطفل شوية، لكن برضه الواحد مابيعرفش يكرهه، يعنى ممكن متغاض منه شوية

د. يحيى : ما هو الغيظ ده نوع من الحب برضه.

أ.عبده: لأ اتغظت من موقفه شوية، هو ليه مابيعفش يعنى ؟

د. يحيى : هو انت خايف تقول انك بتحبه وهو بكل الوساحة دى؟

أ.عبده: مش عارف

د. يحيى : لأنك لسه بتحبه، عمال بتراجع نفسك، بس مش قادر تكزّه!!، المراجعة غير التراجع

أ. عبده: راجعت نفسى لكننى لم أستطع أن أراجع عن حبه الغي

ويقول أحد المعالجين بعض الوقت أ.صابر :

"أنا برضه ماعرفش ليه باحبه جداً، وماكنتش مصدق طول الوقت الحاجات اللى بيعملها اللى جت في تاريخه، حاسس انه بيعملها من بره حاسس أن هو ده مش عادل

د. يحيى : يعنى إيه عادل مش عادل ؟

أ. صابر : حسيت حتى انى مسامح حتى في الحاجات اللى بيعملها، كنت مسامح فيها، وده مختلف عن انى بابقى متغاض خالص من الحاجات دى

د. يحيى: مش فاهم

أ. صابر : يعنى طول الوقت وأنا بقرأ الحاجات اللى بيعملها عادى مسامح فيها مش هو ده بيعملها كده يعنى، بيعملها رد فعل لحاجة "

د. يحيى: مش ضرورى.

.....إلخ.

* * * *

الصياغة السيكيوباتولوجية (الإمراضية)

(كتبها د. نبيل القط، رئيس قسم الإدمان بالمستشفى)

ينتمى المريض إلى أسرة متماسكة إلى حد ما، صاعدة من الطبقة المتوسطة إلى الطبقة المتوسطة العليا، مرسية قواعد

وآليات لدعم تماسكها الاجتماعي والاسرى، ودعم نجاح اعضائها (أب ناجح في عمله، أم ناجحة واخت ناجحة) ولم يكن ليتم ذلك دون دعم متبادل من أعضاء الأسرة، (قيمتها النجاح والمال والراحة والتفويت ثم التدين المحسوب).

د. يحيى : فيه حيرة حقيقية يا ابني حيرة علمية ، حيره عملية، بالنسبة لعلاجك، واحنا متلمين دلوقتى عشان كده، عايزين نستوضح بعض النقاط يمكن تساعدنا في المرة دى ، هي دى المرة الـ 18 ، ولا الـ 19

المريض : الـ 18

د. يحيى: يبقى دخلت 17 مرة وديه الـ 18 ، دى لوحدها حقيقة دمهتا تقيل احنا مسئولين عن 5 منهم، احنا وانت معانا، والباقي بقى حاشوف تفاصيله، إنت خدعت معظم اللي حواليك حتى أمك أو بدء أ من أمك وبرضه خدعت جزء من أبوك، مظهرك الخارجى ده فيه خبث جذاب، فاضطروا يحبك ولو انك ماتتحبش ماتساويش بينى وبينك ثلاثة تعريفة، إيه الحكاية بالظبط

عادل: يعنى

د. يحيى : فيه رسالتين بيوصلوا منك لكل الناس اللي حواليك تقريبا لحد النهاردة

المريض : إيه هما

د. يحيى : الرسالة الأولى: لعبة رشوة العلاقات الظاهرية قوام قوام كده من غير شغل، والرسالة الثانية الوسخة اللي جواك ، فيها حاجة بتخليك توصل للناس زى العسل . يقوموا يحبك

المريض : المظاهر

د. يحيى : إنت بتلعبها بطريقة تلقائية من غير قصد، فنتلخط احنا بقى ونوديك في ستين داهيه، واحنا نطلع خيبتين، ده تقريبا اللي انتبهنا إليه بعد دراسة الحوادث والأوراق كلها دى، نعمل إيه في ده يا ابني؟ أولاً هو أنا وصلت لك الفكرة اللي انا باقولها دلوقتى؟ هى صعبة أنا عارف!

المريض : وصلت الفكرة، بس في كل الـ 18 مرة دول ولا مرة أنا دخلت بإرادتى

د. يحيى: يا عم سيبك من حكاية ارادتى ومش ارادتى والكلام بتاع التليفزيون ده انت خطر على نفسك وعلى غيرك، ثم إن اللي بيخش من غير ارادته ساعات بتبقى فرصته أحسن، انت عارف كل واحد فينا له كام إرادة؟ يا شيخ احنا عايزين نخلق الإرادة اللي بينا دلوقتى، عاوزين نوصل لك إن اللي عايز يبقى بنى آدم بإرادته أو من غير إرادته لازم ينتهز الفرصة ورا الفرصة، وده اللي احنا محتاسين فيه دلوقتى، بنحاول نقدم لك السكك ، ولو فشلنا انت اللي حاتدفع التمن، واحنا كده ولا كده واخدين فلوس، يا شيخ حرام عليك

المريض : وديه ليها حل ؟

د. يحيى : ضرورى اذا ماكنش ليها حل يبقى القرش اللى بناخده حرام، قعادك هنا حرام، أمل أبوك وامك فينا حرام يبقى بنخدعهم، باشيخ ربنا موجود، حتى ربنا إنت لعبت معاه نفس اللعبة انت وأمك، كله سطحى سطحى، حتى الجنة منشئين عليها، ماهى مافيهاش شغل.

المريض: انا احترت والله

د. يحيى : لا يا خويا إحنا عاوزينك تتوجع مش تختار، يا ما احترت، 18 مرة، عمال تختار وتندار، وخلص

المريض : والله احترت

د. يحيى : احنا تختار عشان خيبتنا، فشلنا، انت تختار بتاع إيه؟ إنت مصمم

المريض : انا مابقتش شايف انى ينفع أبطل.

د. يحيى : يا ابني ينبغى أن نغير اللغة، القاموس اتلى حيره وخيبة، الألفاظ دى استهلكت، انتهى عمرها الافتراضى: "احترت" انا "تحت أمرك"، ما اعرفش إيه؟ انت سامعنى يا عادل، أنا شايفك سرحت تانى

المريض : لأ أنا باسمع

د. يحيى : يا أخى يعنى أنا عمال أئشال واتخط وانت رايق وبتبتسم

المريض : لأ مش مبتسم ولا حاجة ، ده اللى حصل يعنى

د. يحيى : مافيش يعنى

المريض : إنت بتزعقلى ليه ؟

د. يحيى : عشان تشاركنى يا أخى

المريض : لأ ، ماتزعقليش

د. يحيى : ليه عشان ايه مازعقلكى

المريض : ماحبش حد يزعقلى

د. يحيى : أمال أشتغل انا ازاي ؟

المريض : بطريقة تانية، بالراحة

د. يحيى : لأ بأه، ماتعلمنيش شغلى، أنا اشتغل زى ما أنا عارف صنعتى، وانت تتصرف

المريض : طب ماشى

د. يحيى: أبوك عنده كام سنه

المريض : 59 سنة

د. يحيى : أنا بشتغل الشغلة دى لما كان أبوك عنده 9 سنين، باشتغل الشغلة دى بنفس الطريقة والعيانين بيخفوا، أعمل إيه. يا عادل يا ابنى أنا مش شايف بمقيى، إنك موجوع لا من اللى انت فيه، ولا الوجع الأصى، دى بدايتنا إن احنا نشوف وجعك، زى ما يكون حد سرقك ودى المصيبة، حد سرقك وانت استسلمت الناحية الثانية

المريض : انا كان حد قالى انت مش حاينفع تبتدى إلا من النقطة اللى تتوجع منها

د. يحيى : أنا ماليش دعوة باخد ده، دلوقتى، احنا مش عايزين رص كلام، أنا وأنت هنا ودلوقتى، انت صعبان علىّ، بصراحة ما انتش شايف وجعك، زى مايكون أنا موجوع لك، أنا أسف معلش يمكن الموضوع مش واضح قوى فى اللحظة دى، الوجع اللى انا باتكلم عليه جوه قوى، انت بصفتك بنى آدم لازم افترض انه موجود، أنا مش شايف وجع بصحيح، الموقف الصعب اللى احنا فيه علميا، ومعرفيا ومستقبليا، موقف شديد الصعوبة، ولكن مادام ربنا موجود يبقى نشغل

المريض : يعنى انت عاوزنى ابتدى من نقطة ان أنا أتوجع؟ لازم اتوجع الأول ؟

د. يحيى : لأ مافيش حاجة مصنوعة، أنا مش عايز حاجة، أنا مش عايزك تسمع الكلام اللى أنا باشاور عليه وخلص، انت ياما عملت حاجات مصنوعة كثير بما فيها المخدرات، المخدرات ديه عواطف مصنوعة، دماغ مصنوع، أنا مش عايز منك أى حاجة معينة، أنا عايز أمد إيدى أنا وانت نشوف اللى موجود، هل تتصور ان وجعك مش موجود جوّ جُؤاك، وان أنا عايزك تتوجع

المريض : ما هو موجود، بس مش عارف أطلعّه

د. يحيى : بالظبط، أهو ده اللى احنا بندور عليه، أنا مش عايزك تتوجع، عايز أخلّى اللى موجود فيك يوصلك، فيوصلنى، وأظن إن ديه بداية حقيقية أنا مش شايف وجعك بصراحة، على الرغم من إنى أنا اللى بافترض إنه موجود، بس لسه مش واصلنى

المريض : وانا مش شايفه انا كمان

د. يحيى : نفترض انه موجود

المريض : هو موجود أكيد، مافيش إنسان مش بيتوجع

د. يحيى : حتى فيه حاجات يا ابنى كثيرة انت قلتها مالهش أساس، زى انك انت رفيع، وانت مش رفيع ولا حاجة، زى شكلك ما اعرفش إيه، وانت وسيم وزى الفل، يبدو ان فيه غلطة بين اللى موجود وبين الصورة اللى اترسمت فى دماغك عنك، خدت بالك؟ فيه حاجز، حاجة كده حصلت، حاجز بينك وبينك . . .، وصلك الكلام ؟

المريض : مش فاهم آخر نقطة دى

د. يحيى : زى ما يكون حصل حاجز بينك وبينك، بين اللى موجود وبين اللى سمحت انه يطلع

المريض : غريبة!! أنا صدقت الكلام ده فعلا

د. يحيى : مش عارف ، مش متأكد

المريض : لأ أنا مصدقه

د. يحيى : مصدق ايه

المريض : مصدق موضوع ان أنا فى حاجز بينى وبين نفسى، وان أنا مش عارف هو أنا أى واحد فيهم بالظبط، ساعات أبقي كده وساعات أبقي كده على حسب الحالة .

د. يحيى: يا ابني كتر خيك إنك قلت أنا مش فاهم، طبعاً أنا طبعاً أنا ما اقصدش حكاية ساعات ساعات دى، انت بتقولها بطريقة أبسط، كتر خيك، لكن احنا بندور على فرصة لبداية جديدة، من غير وعود، ياللا نبدأ من نقطة الوجد دى، بصراحة ابتسامتك اللى بتضحك بيها على الناس هى ضمن الحاجز ده، هى اللى نرفزتنى، ابتسامتك القبيحة دى هى اللى بتصد الفرص.

المريض : ممكن يبقى فيه فرصة، ليه لأ ؟

د. يحيى : الكلام ده اتقال قبل كده ميت مرّة، عايزين حاجة ما انقالتش، عايزين حاجة تتعمل دلوقتى، تسمح للوجد إنه ياخذ فرصة، يمكن يطلع انه مش وجع من اللى بيخوف قوى كده، اللى بيسحق بمجرد ما نجيب سيرته، وجعك فى حضوري وحضورك مع بعض حاجة ثانية.

المريض : أنا بينى وبينك ساعات باشك ان مافيش خلاص، ان مافيش فرصة، ساعات بس مجاول أضحك على نفسى وأقول ينفع

د. يحيى : هو إيه اللى ينفع؟ انك تشوف وتشك وتضحك على نفسك، وبعدين تشوف وتشك وتضحك على نفسك، ثلاث مراحل عمالة بتتكرر، والدكارة والمعالجين يصدقوك وانت بتلعبها باستمرار يمكن عشرة اتناشر تلاف مرة، وعلى فكرة أنت من قبل ما تضرب بتلعبها هيه هيه

المريض : من قبل ما أضرب!؟

د. يحيى : من قبل ما تضرب بتشوف وتشك وتضحك على نفسك، فاكر لما أبوك ربطك بالسلسلة الرجل الطيب الجميل جدا جدا الوديع جدا جدا جدا المحبوب جدا جدا، المضى جدا جدا ، زى ما بتقولوا طب هوّا الحكاية قديمة قوى يا عادل.

المريض: يعنى

د. يحيى : شوف يا عادل، أهو ابتسامتك رجعت تاني

المريض: لأ ما رجعتش

د. يحيى: انت بتضحك على نفسك، انت عارف لما بترجع باحس انك بتبعد، الى جوه مابيقاش فى المتناول خالص، مابيفضلش غير البتاعة دى، وايه ملعوبة كويس، بتفلاك خالص، ابتسامه ملانة، دماثة، ودعوة وحاجة زى انتباه من برّه برّه، وكل ده يا عادل بيبعد، وبعدين الوسخ بيكمل، فيه عادل وسخ، وفي عادل بحق وحقيقى.

المريض: آه

د. يحيى: الابتسامه ديه يعنى كريبه كره، بصراحة ساعة لما بتظهر، انت كلك بتبعد، وسخ وغير وسخ، أنا مش عارف بتخدعهم ازاي؟

عادل: يعنى

د. يحيى: تيجى دلوقتى تقايس ونسمح للوجع انه يطلع، ولو بضه.. ولو ثانية، كده من غير سبب، من غير تفسير، من غير كلام حتى...

المريض: اسبح بالوجع انه يطلع؟! يعنى إيه؟

د. يحيى: أهو كده والسلام، الى موجود وخلص، من غير سبب ومن غير تفسير، ومعايها، إذا كنت شايف وجعى، ولا أنا ماليش وجع؟

المريض: ازاي مش فاهم!

د. يحيى: يعنى أنا مش بنى آدم

المريض: آه أكيد بنى آدم

د. يحيى: يبقى عندى وجع دلوقتى، ولا إيه رأيك؟

المريض: أكيد فيه أى حاجة قديمة

د. يحيى: ليه قديمة؟ هوا حايروح فين، باقولك من غير سبب، بقولك دلوقتى... الله!

المريض: آه، دلوقتى، مثلاً، ممكن

د. يحيى: طيب

المريض: بس مش حاتبقى حقيقة أوى، يعنى لو اتوجعت من غير سبب هاتبقى، يبقى دى حقيقة، أنا؟

د. يحيى: هوا دا الأصل، قبل ما بسرعة نلزقه فى حاجة تيرره، ده حقك، مادام اتولدت يبقى تتوجع عشان تكبر، وتعمل علاقة أو أى حاجة عشان كده بقولك معايها، مع وجعى.

المريض: مش عارف اعمل ايه يعنى دلوقتى.

د. يحيى: أنا باعزم عليك بحاجة محددة بسيطة لكن صعبة جداً، أنا متصور إن أهلك ما عندهمش فكرة عن ده من أصله

المريض : عن اللي واجعني

د. يحيى : لأه، عن الوجع اللي عمره ما طلع، ولا حتى يايعني عند أبوك ولا أمك أيها فكرة عن لزومه، أنا مجد مش عارف كانوا خايفين منه ليه، مع ان هو خلقة ربنا، طول ماهو بعيد وملغى، يبقى شديد أكثر، ويتقلب حاجة ثانية

المريض : أنا أخاف أتوجع

د. يحيى : صح ، لأنه بعد ما اتكتم زاد عن حده أوى أوى، بقى بيخوف، وأظن انت بتخاف تتوجع لأن لما بتيجي تتوجع تلاقى نفسك لوحك، ماحدش يقدر يتوجع لوحده يا عادل، ينسحق، عشان كده قولت لك معايا، حاول على قد ما تقدر، عندك كل الحق انك تخاف تتوجع، بس ياترى صدقت انى باحاول معاك، على الله الخوف يقل شوية صغيرة، أو يطلع سنه صغيرة على قدنا دلوقتي، برضه من غير أى سبب ولا هو ليه علاقه مباشرة بالادمان ولا بالضرب ولا بالمستشفيات ولا بأى حاجة، هو له علاقة بعادل بحق وحقيقى، عادل زى ما ربنا خلقه .

المريض : فترة صمت (طويلة دقائق حتى قال:) . . . أنا اتخنت كده

د. يحيى : قلنا من غير كلام

المريض : فترة صمت أخرى (دقائق أخرى، حتى قال:) . . . ينفع كده .

د. يحيى : بس شايفك خايف

المريض : مش أوى

د. يحيى : هوا إيه اللي ينفع

المريض : بقول ينفع اللي أنا عملته كده، أنا حاولت بصراحة

د. يحيى: أنا مصدقك، ما هو مافيش حل تانى، أنا متهياى أبوك عمره ماسح لك بده، هو يوجعك معلى، أبوك عمره ماسح لنفسه ولا لأمك، ماقدروش يستحملوا ألك، يستحملوا وجعك، لأنهم همّ أنفسهم ما استحملوش نفسهم، أنا آسف، احنا غوطنا الظاهر قوى

المريض : شكراً

د. يحيى: مع السلامة

- انتهت المقابلة

* * * *

وغداً نأمل أن نضيف جزءاً آخر !! من المعلومات والنصوص عن نفس الحالة، ربنا يسهل.